

ხელშეკრულება სახელმწიფო შესყიდვის შესახებ N 3/176ტ

წინამდებარე ხელშეკრულება დაიდო 2021 წლის 01 ივნისს ერთი მხრივ **სსიპ საქართველოს კულტურული მემკვიდრეობის დაცვის ეროვნული სააგენტო** (შემდგომში „შემსყიდველი“) წარმოდგენილი მისი გენერალური დირექტორის მოვალეობის შემსრულებელის პაატა გაფრინდაშვილის სახით და მეორეს მხრივ, **ააიპ „ხვამლის ამქარი“** (შემდგომში „მიმწოდებელი“) წარმოდგენილი მისი ხელმძღვანელის დავით სულხანიშვილის სახით, „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე.

შემსყიდველმა ჩაატარა ელექტრონული ტენდერი (სატენდერო განცხადების ნომერი **NAT 210007970**). ცაგერის მუნიციპალიტეტი, **ხვამლის წმინდა გიორგის ეკლესიის ტერიტორიის გაწმენდითი და არქეოლოგიური მომსახურება**, (CPV კოდი **71351914**), რომელშიც გამარჯვებულად მიჩნეული იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება შეასრულოს სამუშაო შემდეგ თანხაზე: **34998.00 (ოცდა თოთხმეტი ათას ცხრაას ოთხმოცდა თვრამეტი) ლარი** ყველა გადასახადის (დღე-ს გარეშე) (შემდგომში „ხელშეკრულების ღირებულება“).

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) – შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს პირს, რომელმაც მოიპოვა გამარჯვება ტენდერში და უზრუნველყოფს მომსახურების გაწევას სახელმწიფო შესყიდვის შესახებ მოცემული ხელშეკრულების ფარგლებში;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.

2. შესყიდვის ობიექტი

2.1 შესყიდვის ობიექტია ცაგერის მუნიციპალიტეტი, **ხვამლის წმინდა გიორგის ეკლესიის ტერიტორიის გაწმენდითი და არქეოლოგიური მომსახურება**, რომელიც განისაზღვრება ტექნიკური დავალების შესაბამისად, შესყიდვის ობიექტის ტექნიკური დავალება და ხარჯთაღრიცხვა თან ერთვის ხელშეკრულებას და წარმოადგენს მის განუყოფელ ნაწილს (იხ. დანართი 1 და დანართი 2).

3. ხელშეკრულების შესრულების კონტროლი

- 3.1 შემსყიდველს ან მის წარმომადგენლებს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება.
- 3.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.
- 3.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.
- 3.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.
- 3.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებს სსიპ „საქართველოს კულტურული მემკვიდრეობის დაცვის ეროვნული სააგენტოს“ არქეოლოგიის სამსახურის თანამშრომლები.

4. მომსახურების გაწევის პირობები და ვადები

- 4.1 წარმოდგენილი პირობებისა და ვადების ფარგლებში მიმწოდებელმა საბოლოო პროდუქციის სახით შემსყიდველს უნდა გადასცეს არქეოლოგიური კვლევის ჩატარების შედეგები ტექნიკური დავალების შესაბამისად.
- 4.2 არქეოლოგიური მომსახურების გაწევის ადგილია **ცაგერის მუნიციპალიტეტი, ხვამლის წმინდა გიორგის ეკლესიის ტერიტორია**.
- 4.3 შესრულებულ სამუშაოთა ანგარიშის ჩაბარების საბოლოო ვადაა ხელშეკრულების გაფორმებიდან არაუგვიანეს **2021 წლის 29 ოქტომბრის ჩათვლით**.

5. შესყიდვის ობიექტის მიღება-ჩაბარების წესი

- 5.1. მიმწოდებელი ატყობინებს შემსყიდველს მომსახურების დასრულების შესახებ.
- 5.2. გაწეული მომსახურების მიღება განხორციელდება მომსახურების გაწევის შემდეგ, მხარეთა მიერ შედგენილი მიღება-ჩაბარების აქტის საფუძველზე (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 3.5 მუხლში მითითებული პირები).
- 5.3. შემსყიდველი ამოწმებს მიმწოდებლის მიერ გაწეული მომსახურების სრულყოფილებას, მიმწოდებლის მიერ შესაბამისი დოკუმენტების წარმოდგენის დღიდან 10 (ათი) დღის ვადაში.
- 5.4. არქეოლოგიური მომსახურების დასრულების შემდგომ ხელშეკრულების 3.5 მუხლში აღნიშნული პირების მიერ შემოწმების შედეგად შედგება შესაბამისი დასკვნა და მიღება-ჩაბარების აქტი.
- 5.5. თუ გაწეული მომსახურება არ შეესაბამება წინამდებარე ხელშეკრულების პირობებს, შემსყიდველი დადგენილი წესის შესაბამისად მიმწოდებელთან ერთად ან მის გარეშე ადგენს აქტს.
- 5.6. მიმწოდებელი ვალდებულია წუნის (დეფექტების) აღმოჩენის შესახებ შესაბამისი აქტის გაფორმებიდან 10 (ათი) დღის ვადაში აღმოფხვრას ინსპექტირების შედეგად აღმოჩენილი დეფექტები.
- 5.7. თუ შემსყიდველმა გაწეული მომსახურება შეაფასა წუნით, მომსახურება ჩაითვლება დასრულებულად დეფექტების აღმოფხვრის შემდეგ.
- 5.8. შესყიდვის ობიექტის მიღება განხორციელდება მხარეთა მიერ შედგენილი მიღება-ჩაბარების აქტ(ებ)ის საფუძველზე (შემსყიდველის მხრიდან მიღება-ჩაბარების აქტ(ებ)ის გაფორმებაზე უფლებამოსილ პირ(ებ)ს წარმოადგენენ წინამდებარე ხელშეკრულების პირობების 3.5 მუხლში მითითებული პირები).
- 5.9. მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

6. ანგარიშსწორება

- 6.1 ანგარიშსწორება მოხდება ლარებში.
- 6.2 გადახდის ფორმა – უნაღდო.
- 6.3 ანგარიშსწორება მოხდება ერთ ეტაპად მიღება-ჩაბარების აქტის, ინსპექტირების დადებითი დასკვნის გაფორმებისა და საქართველოს კანონმდებლობით გათვალისწინებული შესაბამისი საგადასახადო დოკუმენტაციის წარდგენიდან 30 (ოცდაათი) დღის ვადაში.
- 6.4. წინასწარი ანგარიშსწორების შემთხვევაში მიმწოდებელი ვალდებულია, წარმოადგინოს ავანსის სახით გადასახდელ თანხაზე საავანსო საბანკო გარანტია (არაუმეტეს ხელშეკრულების საერთო ღირებულების 30%), რომლის მოქმედების ვადა 60 (სამოცი) დღით უნდა აღემატებოდეს ხელშეკრულებით გათვალისწინებული ობიექტის მიწოდების ვადას. საავანსო თანხის გადახდა მოხდება შესაბამისი საბანკო გარანტიის წარმოდგენის დღიდან არაუგვიანეს 10 (ათი) სამუშაო დღის ვადაში.

7. ფასები

- 7.1 მიმწოდებლის მიერ დაფიქსირებული გასაწევი მომსახურების ფასი წარმოადგენს ხელშეკრულების ღირებულებით პარამეტრებს.
- 7.2 ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.
- 7.5 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 7.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

8. მხარეთა უფლება-მოვალეობანი

- 8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.
- 8.2 შემსყიდველი ვალდებულია:
 - 8.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
 - 8.2.2. ხელშეკრულებით გათვალისწინებული მომსახურების გაწევისას აცნობოს მიმწოდებელს ყველა განსაკუთრებული გარემოების წარმოშობის შესახებ;
 - 8.2.3. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს გაწეული მომსახურების ღირებულება.
- 8.3. შემსყიდველს უფლება აქვს:
 - 8.3.1. განახორციელოს კონტროლი და ზედამხედველობა მიმწოდებლის მიერ ხელშეკრულებების პირობების დაცვაზე;
 - 8.3.2. განახორციელოს კონტროლი შესაბამისი დოკუმენტაციის შედგენისას;
 - 8.3.3. მიიღოს მიმწოდებლისგან სათანადო წესით გაფორმებული დოკუმენტაცია;
 - 8.3.4. საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება, თუ მიმწოდებლის მიერ წარმოდგენილი საკვალიფიკაციო მონაცემები ყალბი აღმოჩნდება;
- 8.4. მიმწოდებელი ვალდებულია:

- 8.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;
- 8.4.2. მიმწოდებელი ვალდებულია ხელშეკრულების გაფორმებიდან არაუგვიანეს 1 (ერთი) თვისა, კანონმდებლობით გათვალისწინებული პროცედურების დაცვით, აიღოს არქეოლოგიური სამუშაოების სანებართვო მოწმობა, წინააღმდეგ შემთხვევაში შემსყიდველი იტოვებს უფლებას ცალმხრივად შეწყვიტოს ხელშეკრულება.
- 8.4.3. დააკმაყოფილოს შემსყიდველის მოთხოვნა დამატებითი მონაცემების წარმოდგენის შესახებ კანონმდებლობით დადგენილი წესით;
- 8.4.4. დოკუმენტაციაზე რაიმე შენიშვნების აღმოჩენის შემთხვევაში შეტყობინების მიღებიდან 10 (ათი) დღის ვადაში აღმოფხვრას იგი, შემსყიდველის მხრიდან რაიმე დამატებითი დანახარჯების გაწევის გარეშე.
- 8.5. დოკუმენტაცია წარადგინოს ტექნიკური დავალებით განსაზღვრულ ფორმატში.
- 8.6. მიმწოდებელს უფლება აქვს:
- 8.6.1. მოსთხოვოს შემსყიდველს ხელშეკრულებით გათვალისწინებული პირობების შესაბამისად გაწეული მომსახურების ღირებულების ანაზღაურება.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია მომსახურების ვადის ამოწურვამდე არაუგვიანეს 10 (ათი) დღის ვადაში.
- 9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და წინამდებარე ხელშეკრულების მოთხოვნათა გათვალისწინებით.
- 9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. უფლებების გადაცემა

- 10.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

11. ხელშეკრულების პირობების შეუსრულებლობა

- 11.1. ხელშეკრულებით ნაკისრი ვალდებულებების მთლიანად ან ნაწილობრივ შეუსრულებლობისათვის მიმწოდებელს შეიძლება დაეკისროს პირგასამტეხლო ხელშეკრულების საერთო ღირებულების ან შეუსრულებელი ნაწილის 10%-ის ოდენობით იმისდა მიხედვით მთლიანად არის ვალდებულია შეუსრულებელი თუ ნაწილობრივ;
- 11.2 ხელშეკრულებით ნაკისრი ვალდებულებების შესრულების ვადის (მ.შ. გეგმა-გრაფიკით გათვალისწინებული ვადების ჩამორჩენის, ვადის გადაცილების) გადაცილებისათვის დამრღვევ მხარეს დაეკისრება პირგასამტეხლოს გადახდა, ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.
- 11.3 მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.
- 11.4. ხელშეკრულების არაჯეროვნად შესრულებისას ინსპექტირების ჯგუფის მიერ წუნის (დეფექტების) აღმოჩენის შემთხვევაში, საჯარიმო სანქციების ათვლა მოხდება ხელშეკრულების 5.6 პუნქტით განსაზღვრული ვადის გასვლის შემდეგ.
- 11.5. საჯარიმო სანქციების გადახდა არ ათავისუფლებს მიმწოდებელს ნაკისრი ვალდებულებების შესრულებისგან.
- 11.6. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება.

12. ხელშეკრულების შეწყვეტა მისი პირობების შეუსრულებლობის გამო

- 12.1 მიმწოდებლის მიერ ხელშეკრულების პირობების შეუსრულებლობის შემთხვევაში შემსყიდველს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 12.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 12.3 ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.
- 12.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების შემთხვევაში;
 - გ) საქართველოს კანონმდებლობით გათვალისწინებულ სხვა შემთხვევებში.

12.5 ამ მუხლის მე-4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12.6 შემსყიდველი უფლებამოსილია მთლიანად ან ნაწილობრივ ცალმხრივად შეწყვიტოს ხელშეკრულება, თუკი მიმწოდებლის მხრიდან შესყიდვის ობიექტის მიწოდების ვადების დარღვევის პერიოდი აღემატება 15 (თხუთმეტი) დღეს.

13. ფორს-მაჟორი

13.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

14. სადაო საკითხების გადაწყვეტა

14.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ორგვლივ.

14.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხრეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

15. გამოყენებული სამართალი

15.1 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

16. შეტყობინება

16.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის (მატერიალური ან ელექტრონული) სახით გზავნილის ან ელექტრონული ფოსტის საშუალებით, ხელშეკრულებაში მითითებული მეორე მხარის მისამართზე/ელ.ფოსტაზე.

16.2 შეტყობინება შედის ძალაში ადრესატის მიერ მისი მიღების დღეს, ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

17. გადასახადები და დაბეგვრა

17.1 უცხოელი მიმწოდებელი პასუხს აგებს მომსახურების გაწევასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

17.2 ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულების პირობებით სხვა რამ არ არის გათვალისწინებული.

18. ხელშეკრულების მოქმედების ვადა

18.1 წინამდებარე ხელშეკრულება ძალაშია მხარეთა მიერ ხელშეკრულების ხელის მოწერის დღიდან, **2021 წლის 31 დეკემბრის ჩათვლით.**

19. სხვა პირობები

19.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

19.2 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.3 ხელშეკრულება შედგენილია ქართულ ენაზე. ელექტრონული ფორმატით, რომლის ამონაბეჭდი არის ელექტრონული დოკუმენტის ასლი და მას ელექტრონული დოკუმენტის თანაბარი იურიდიული ძალა აქვს. ელექტრონული დოკუმენტი ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.4 გამარჯვებული პრეტენდენტის მიერ წარმოდგენილი სატენდერო წინადადება და დანართები თან ერთვის ხელშეკრულებას და წარმოადგენს მის განუყოფელ ნაწილს.

19.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმით იქნება შედგენილი და ელექტრონული ფორმატით ხელმოწერილი მხარეთა მიერ.

20. მხარეთა რეკვიზიტები:

შემსყიდველი

სსიპ „საქართველოს კულტურული მემკვიდრეობის
დაცვის ეროვნული სააგენტო“

მის: ქ. თბილისი, თაბუკაშვილის #7

ელ.ფოსტა: info@heritagesites.ge

სახელმწიფო ხაზინა

კოდი: TRESGE22

ა/ა # GE24NB0330100200165022

სახაზინო კოდი - 707617111

ს/კოდი: 204562311

გენერალური დირექტორის მოვალეობის
შემსრულებელი

პაატა გაფრინდაშვილი

მიმწოდებელი

ააიპ „ხვამლის ამქარი“

მის: ქ. თბილისი, ივ. ჯავახიშვილის 21

ელ. ფოსტა: davidgogvadze@gmail.com

ტელ: 599413213

სს საქართველოს ბანკი

ბანკის კოდი: BAGAGE22

ა/ნ: GE56BG0000000599210900

ს/კოდი: 404441270

ხელმძღვანელი

დავით სულხანიშვილი

ხელშეკრულება დამოწმებულია მხარეთა მიერ ელექტრონული ფორმით

**ცაგერის მუნიციპალიტეტი, ხვამლის წმინდა გიორგის ეკლესიის ტერიტორიის გაწმენდითი სამუშაოები
არქეოლოგიის ზედამხედველობით**

ტექნიკური დავალება

❖ ზოგადი სახელმძღვანელო პრინციპები

საქართველოს ტერიტორიაზე არსებული კულტურული მემკვიდრეობის ობიექტების/ძეგლების მოვლა-პატრონობა და მათი შენარჩუნება მნიშვნელოვანია სახელმწიფოს განვითარების პროცესში. ჩასატარებელი სამუშაოებით მოხდება საქართველოს კულტურული მემკვიდრეობის ობიექტების/ძეგლების შესასწავლად და დასაცავად საჭირო ღონისძიებების განხორციელება.

❖ კულტურული მემკვიდრეობის ობიექტის/ძეგლის მოკლე აღწერა

ხვამლი, იგივე ხომლი, კირქვული მასივია ლეჩხუმში, ხვამლის მთის პლატოზე, სიგრძე 10.5, სიგანე 7კმ, უმაღლესი წერტილი ზღვის დონიდან 2002მ. (თანამედროვე ადმინისტრაციული დაყოფით ცაგერის მუნიციპალიტეტი) არაერთი სრულიად შეუსწავლელი, სხვადასხვა პერიოდის-ქვ. პალეოლითი გვ. შუა საუკუნეები - არქეოლოგიური ობიექტი მდებარეობს ზღვის დონიდან 1942 მეტრ სიმაღლეზე G.P.S. 4230511-4242944 დგას წმინდა გიორგის სახელობის ეკლესია, რომლის მიმდებარედ ფუნქციურად და ქრონოლოგიურად განსხვავებული ნაგებობების ნაშთები შეინიშნება. დღეს არსებული შენობა XIX საუკუნის ბოლო წლებშია აგებული, ძველი ნაგებობის ადგილზე 2007 წელს გაიწმინდა გალავნის მცირე ფრაგმენტი და კარიბჭე, რამაც გაამყარა ვარაუდი კომპლექსის ქრისტიანობამდელ წარმოშობაზე. კარიბჭე და გალავნის მონაკვეთი გვ. ანტიკური ხანით დათარიღდა, თუმცა არ იქნა გამოვლენილი, საფუძვლიანი შესწავლის შემდგომ, უფრო ადრეული ფენების გამოვლენა. სრულყოფილი არქეოლოგიური გათხრები პირველად 2015 წელს ჩატარდა 2 უბანზე. გაითხარა ორი წრიული, ერთი ნახევარწრიული ნაგებობა (GPS კოორდინატები - 4230511, 4242944) და რამოდენიმე მღვიმე (GPS კოორდინატები - 4230338, 4243126). ძეგლებზე გამოვლენილი მასალის დიდი ნაწილი მიეკუთვნება ძვ.წ I ათასწ. I ნახევარს. ასევე, რომაულ, ადრემშუასაუკუნეების და განვით. ფეოდალურ პერიოდებს. 2016 წელს გათხრები გაგრძელდა ეკლესიის გალავნის მიმდებარედ. შედეგად დაფიქსირდა კლდეში ჩაჭრილი ქვით ნაგები ოთხკუთხა ნაგებობის ნაშთი, ძეგლი წინასწარულად წინანტიკური ხანით დათარიღდა. 2017 წელს გათხრების შედეგად გამოვლინდა კირის გამოსაწვავი ორმო, რომელიც მოპოვებული მასალის მიხედვით დათარიღდა ადრე შუასაუკუნეებით (GPS კოორდინატები-4230336, 4243128).

2018 წელს არქეოლოგიური სამუშაოები მიმდინარეობდა ხვამლის წმინდა გიორგის ეკლესიის მიმდებარედ (GPS კოორდინატები - 4230512, 4242945; 4230512, 4242947). ასევე ადგილ “თიხებში” ტბის მიმდებარედ აღმოჩენილ არქეოლოგიურ ობიექტზე (GPS კოორდინატები - 4230512, 4242945. 2019 წელს წმ. გიორგის ეკლესიის სამხრეთით, (GPS კოორდინატები -08312945, 4710912) აღმოჩენილი იქნა შუა საუკუნეების მარანი.

იმავე წელს მიკვლეული იქნა ორი წარწერიანი ქვა, რომელიც სპეციალისტთა შეფასებით X-XI საუკუნეებს ეკუთვნის.

2020 წელს არქეოლოგიის ზედამხედველობით დასრულდა კარიბჭის გაწმენდა, ასევე გაიწმინდა მთავარი გალავანის ნაწილი (45 მ), წმ. გიორგის სახელობის ეკლესიასთან მდებარე ორი სათავსო და მარანი.

**❖ ცაგერის მუნიციპალიტეტი, ხვამლის წმინდა გიორგის ეკლესიის ტერიტორიის გაწმენდითი სამუშაოები
არქეოლოგიის ზედამხედველობით ჩასატარებელი სამუშაოები:**

1. ხვამლის წმინდა გიორგის ეკლესიის მთავარი გალავნის გარშემო ჰუმუსის ფენის მოხსნა 0,3 მ სიღრმეზე ფართობით 30მX8მ და მიწის გატანა 30-40 მ მანძილზე ხელითა და ურიკით;
2. ხვამლის წმინდა გიორგის ეკლესიის მთავარი გალავნის გაწმენდა არქეოლოგიის ზედამხედველობით ფართობით 30მX8მ და მიწის გატანა 30-40 მ მანძილზე ხელითა და ურიკით;
3. ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის

გარშემო ჰუმუსის ფენის მოხსნა 0,3 მ სიღრმეზე, ფართობით 20მX8მ და მიწის გატანა 30-40 მ მანძილზე ხელითა და ურიკით;

4. ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის გაწმენდა არქეოლოგიის ზედამხედველობით 20მX8მ ფართობზე და მიწის გატანა 30-40 მ მანძილზე ხელითა და ურიკით;

5. ხვამლის წმინდა გიორგის ეკლესიის ბაქანთან N2 ნაგებობის ნაშთების გაწმენდა არქეოლოგიის ზედამხედველობით 6მX5მ ფართობზე და მიწის გატანა 30-40 მ მანძილზე ხელითა და ურიკით;

❖ არქეოლოგიური გათხრების ჩატარების პირობები

სამუშაოების ჩატარებისას ყურადღება უნდა მიექცეს სამუშაოთა შესრულების ხარისხობრივ მაჩვენებლებს, რომელთა დაცვა სავალდებულოა კულტურული მემკვიდრეობის ობიექტების ფასეული ელემენტების შესანარჩუნებლად. მუშაობის პროცესში მიმწოდებელი ვალდებულია, სამუშაოები შეასრულოს საველე-არქეოლოგიური სამუშაოების მეთოდების სრული დაცვით;

მიმწოდებელი ვალდებულია არქეოლოგიურ კვლევით სამუშაოებში უზრუნველყოს სტუდენტების ჩართულობა;

სამუშაოთა მიმდინარეობისას გამოვლენილი არქეოლოგიური ობიექტები და არქეოლოგიური მასალა მიმწოდებელმა სათანადოდ უნდა დაიცვას დაზიანებისგან, განადგურებისა და დაკარგვისგან, ასევე გარემო პირობებისა და სხვა არასასურველი ზემოქმედებისგან;

თუ არქეოლოგიურ სამუშაოთა მიმდინარეობისას გამოვლინდა მაღალი მატერიალური ღირებულების მქონე ნივთი (ნივთები), ამასთანავე, მეთოდოლოგიური, კლიმატური, ტექნიკური ან სხვა პირობების გამო ვერ ხერხდება მისი (მათი) დაუყოვნებლივ ამოღება და უსაფრთხო ადგილას ტრანსპორტირება, მიმწოდებელი ვალდებულია, დაუყოვნებლივ მიმართოს შინაგან საქმეთა სამინისტროს შესაბამის ტერიტორიულ ორგანოს;

მოძრავი არქეოლოგიური მონაპოვარი, უნდა ჩაბარდეს უახლოეს მუზეუმ-ნაკრძალს, მუზეუმს ან სხვა შესაბამის სამეცნიერო დაწესებულებას სათანადო თანხმებ დოკუმენტაციასთან ერთად;

არქეოლოგიური სამუშაოების მიმდინარეობისას, ახლად გამოვლენილი გარემოებ(ებ)ით გამოწვეული ცვლილებები შეთანხმებულ უნდა იქნეს შემსყიდველთან.

❖ ძირითადი პირობები



მიმწოდებელი შემსყიდველთან შეთანხმებული სამუშაოების გრაფიკის შესაბამისად, წარუდგენს მას ინფორმაციას, წერილობითი ანგარიშის სახით, გათვალისწინებული სამუშაოების მიმდინარეობის შესახებ. იგი ვალდებულია, გაითვალისწინოს შემსყიდველის შენიშვნები და წინადადებები, რაც შემდგომში საფუძვლად დაედება შესრულებული სამუშაოების ანაზღაურებას.

სამუშაოების შესრულების გრაფიკი განსაზღვრავს სამუშაოთა მიმდინარეობას და შემსყიდველისათვის ეტაპობრივად წარუდგენს გეგმას.

ჩატარებული არქეოლოგიური გათხრების ანგარიშები, უნდა ჩაბარდეს ქვემოთ ჩამოთვლილი კრიტერიუმების გათვალისწინებით:

ტექსტი აკრეფილი უნდა იყოს A4 ზომის სტანდარტულ ფურცელზე;

შრიფტის სახე - Sylfaen;

ტექსტის შრიფტის ზომა - 11;

სქოლიოს შრიფტის ზომა - 10;

სტრიქონებს შორის ინტერვალი - 1,15;

ფურცლის გვერდზე ტექსტის მინდორი: მარცხნიდან – 1.5სმ, მარჯვნიდან - 1 სმ, ზემოდან - 2.5 სმ, ქვემოდან 2.5 ს.

ავტორის სახელი და გვარი დაიწეროს სათაურის ქვეშ, მარჯვენა მხარეს. ელექტრონული ფოსტის მითითებით.

სურათები - ნუმერაციის მითითება ტექსტში, ფრჩხილების გამოყენებით, მაგ., (სურ.1).

საჭიროების შემთხვევაში შესაძლებელია ლიტერატურისა და შენიშვნების ჩატანა სქოლიოში.

რეზიუმე ინგლისურ ენაზე.

შესრულებული სამუშაოების ანგარიში შემსყიდველს წარედგინება - ანგარიშის ელექტრონული ვერსიის კომპაქტური დისკის (2 ეგზემპლარი), მაღალი რეზოლუციის ფოტომასალის კომპაქტური დისკისა (1 ეგზემპლარი) და მყარი ასლი ალბომის სახით (1 ეგზემპლარი).

მიმწოდებელი ვალდებულია, არქეოლოგიური სამუშაოების დაწყებამდე კულტურული მემკვიდრეობის ობიექტზე დაამონტაჟოს ჩასატარებელი სამუშაოების ამსახველი საინფორმაციო ბანერი, რომელიც უნდა შეიცავდეს შემდეგ ინფორმაციას:

მესაკუთრე;

შემსყიდველი;

მიმწოდებელი;

ჩასატარებელი სამუშაოს სახეობა;

❖ შემსყიდველისთვის გადასაცემი საბოლოო პროდუქცია

წარმოდგენილი პირობებისა და ვადების ფარგლებში, მიმწოდებელმა საბოლოო პროდუქციის სახით შემსყიდველს უნდა გადასცეს არქეოლოგიური კვლევის ჩატარების შედეგები, შემდეგი შემადგენლობით:

შესწავლილი ტერიტორიის, მასზე გამოვლენილი ობიექტების ფიქსაცია და მოპოვებული მასალის პირველადი დამუშავება, მათ შორის ფოტო და ვიზუალური აღწერის მასალები;

შესწავლილი ტერიტორიის (ობიექტის) ისტორიულ-ბიბლიოგრაფიული და საარქივო კვლევის მასალები შესაბამისი წყაროების მითითებით, მასზე მოპოვებული პირველადი ინფორმაციის საარქივო მონაცემებთან მიმართების ანალიზი;

შესწავლილი ტერიტორიის ადგილმდებარეობის სიტუაციური გეგმა (მასშტაბი 1:2000 ან 1:500) GPSკოორდინატებით;

არქეოლოგიური კვლევისას გამოვლენილი ობიექტების განლაგების სქემა და ანაზომი; გამოხაზული ნახაზები (მასშტაბი 1:10 ან 1:20 ან 1:25 ან 1:50 ან 1:100) ძირითადი პარამეტრების ზომების დატანით;

შესწავლილი ტერიტორიის კვადრატებად დაყოფის სქემა;

ტექსტური აღწერილობა;

❖ სამუშაოთა შესრულების ვადები

შესრულებული სამუშაოს ანგარიშის ჩაბარების საბოლოო ვადაა არაუგვიანეს 2021 წლის 29 ოქტომბერი.

ხვამლის წმინდა გიორგის ეკლესიის ტერიტორიის არქეოლოგია, ხარჯთაღრიცხვა

I. ფიზიკური სამუშაოები


№	სამუშაოების ჩამონათვალი	განზომ. ერთ	რაოდენ.	ერთ. ფასი ლარი	სულ ღირებულება ლარი
1	2	3	4	5	6
	არქეოლოგიური სამუშაოები				
1	ხვამლის წმინდა გიორგის ეკლესიის ტერიტორიაზე, გალავნის გარშემო ჰუმუსის მოხსნა, ფართობით 30მX8მX0.3მ და მიწის გატანა 30-40 მ მანძილზე ხელითა და ურიკით	მ³	72.0	15	1080.00
2	ხვამლის წმინდა გიორგის ეკლესიის ტერიტორიაზე, გალავნის გარშემო არქეოლოგიური კვლევა, ფართობით 30მX8მ და მიწის გატანა 30-40 მ მანძილზე ხელითა და ურიკით	მ²	240.0	50	12000.00
3	ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის გარშემო ჰუმუსის მოხსნა, ფართობით 20მX8მX0.3მ და მიწის გატანა 30-40 მ მანძილზე ხელითა და ურიკით	მ³	48.0	15	720.00
4	ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის გარშემო არქეოლოგიური კვლევა, ფართობით 20X8 კვმ და მიწის გატანა 30-40 მ მანძილზე ხელითა და ურიკით	მ²	160.0	50	8000.00
5	ხვამლის წმინდა გიორგის ეკლესიის ბაქანთან N2 ნაგებობის ნაშთების არქეოლოგიური კვლევა ფართობით 6მX5მ და მიწის გატანა 30-40 მ მანძილზე ხელითა და ურიკით	მ²	30.0	50	1500.00
	ჯამი I				23300.0

II. კვლევითი სამუშაოები

	დასახელება	სულ ღირებულება, ლარი
1	შესწავლილი ტერიტორიის, მასზე გამოვლენილი ობიექტების ფიქსაცია და მოპოვებული მასალის პირველადი დამუშავება, მათ შორის ფოტო და ვიზუალური აღწერის მასალები	1000.00
2	შესწავლილი ტერიტორიის (ობიექტის) ისტორიულ-ბიბლიოგრაფიული და საარქივო კვლევის მასალები შესაბამისი წყაროების მითითებით, მასზე მოპოვებული პირველადი ინფორმაციის საარქივო მონაცემებთან მიმართების ანალიზი	500.00
3	შესწავლილი ტერიტორიის ადგილმდებარეობის სიტუაციური გეგმა (მასშტაბი 1:2000 ან 1:500), GPS კოორდინატებით	1000.00
4	არქეოლოგიური კვლევისას გამოვლენილი ობიექტების განლაგების სქემა და ანაზომი	1000.00
5	გამოხაზული ნახაზები (მასშტაბი 1:10 ან 1:20 ან 1:25 ან 1:50 ან 1:100) ძირითადი პარამეტრების ზომების დატანით	1000.00
6	შესწავლილი ტერიტორიის კვადრატებად დაყოფის სქემა	1000.00
7	ტიქსტური აღწერილობა	660.00
	ჯამი II	6160.00

	სულ პირდაპირი ხარჯები (ჯამი I+ჯამი II)		29460.0
	ზედნადები ხარჯები არაუმეტეს 10%	10%	2946.0
	ჯამი		32406.0
	მოგება არაუმეტეს 8%	8%	2592.0
	ჯამი		34998

ხვამლის წმინდა გიორგის ეკლესიის ტერიტორიის 2021 წლის გაწმენდითი და
არქეოლოგიურ
სამუშაოთა ჩატარების ორგანიზების პროექტი



ძეგლის მოკლე აღწერა

ხვამლი, იგივე ხომლი კირქვული მასივია ლეჩხუმში, ხვამლის მთის პლატოზე, სიგრძე 10.5, სიგანე 7კმ, უმაღლესი წერტილი ზღვის დონიდან 2002მ. (თანამედროვე ადმინისტრაციული დაყოფით ცაგერის მუნიციპალიტეტი) არაერთი სრულიად შეუსწავლელი, სხვადასხვა პერიოდის-ქვ. პალეოლითი გვ. შუა საუკუნეები-არქეოლოგიური ობიექტი მდებარეობს.

ზღვის დონიდან 1942 მეტრ სიმაღლეზე G.P.S. 4230511-4242944 დგას წმინდა გიორგის სახელობის ეკლესია, რომლის მიმდებარედ ფუნქციურად და ქრონოლოგიურად განსხვავებული ნაგებობების ნაშთები შეინიშნება.

დღეს არსებული შენობა XIX საუკუნის ბოლო წლებშია აგებული, ძველი ნაგებობის ადგილზე 2007 წელს გურამ გაბიძაშვილის ხელმძღვანელობით გაიწმინდა გალავნის მცირე ფრაგმენტი და კარიბჭე, რამაც გაამყარა ვარაუდი კომპლექსის ქრისტიანობამდელ წარმოშობაზე. კარიბჭე და გალავნის მონაკვეთი გვ. ანტიკური ხანით დათარიღდა, თუმცა საფუძვლიანი შესწავლის შემდგომ არაა გამორიცხული უფრო ადრეული ფენების გამოვლენა.

ხვამლის პლატოსა და მის ფერდობებზე მდებარე არქეოლოგიური ობიექტების შესწავლა, ჩვენი აზრით, დაკავშირებული უნდა იყვეს უმნიშვნელოვანეს საკითხებთან-უძველესი მეტალურგიული კერების არსებობასა და ქრისტიანობამდელ რწმენა-წარმოდგენებთან, ხვამლის გამოქვაბულების დანიშნულების, მათი ქრონოლოგიისა და სტრატეგრაფიის, აღმოსავლური და დასავლური კულტურების ურთიერთობების გარკვევასთან.

ხვამლის მთაზე არქეოლოგიური გათხრები 2015 წელს პირველად ჩატარდა 2 უბანზე ხვამლის წმ. გიორგის ეკლესიის სამხრეთით, 60 მ-ის მოშორებით, გალავნის გარეთ (GPS კოორდინატები - 4230511, 4242944) და ადგილ "მაყვლისყანაში" გაითხარა ორი წრიული, ერთი ნახევარწრიული ნაგებობა და რამოდენიმე მღვიმე (GPS კოორდინატები - 4230338, 4243126).

ძეგლებზე გამოვლენილი მასალის დიდი ნაწილი მიეკუთვნება ძვ.წ I ათასწ. I ნახევარს. ასევე, რომაულ, ადრეშუასაუკუნეების და განვით. ფეოდალურ პერიოდებს.

განსაკუთრებით აღსანიშნავია აღმოჩენილი "ორაკულის ქვა" რომელსაც კავკასიაში ანალოგი არ მოეძებნება. გათხრები გაგრძელდა 2016 წელსაც. ეკლესიის გალავნის მიმდებარედ. შედეგად დაფიქსირდა კლდეში ჩაჭრილი ქვით ნაგები ოთხკუთხა ნაგებობის ნაშთი, რომლის იატაკი თიხით იყო მოტკეპნილი. ინტერიერში დაფიქსირდა ცეცხლის კვალი, კერამიკის ფრაგმენტები. მეორე წრიულ ნაგებობაზე დაფიქსირდა დრომოსი, დიდი ქვის ლოდი კარის ჩასასმელი ღარით, ბათქაშის ფრაგმენტები და ჰემატიტის ქვები. ძეგლი წინასწარულად წინანტიკურიხანით დათარიღდა.

2017 წელს გათხრები გაგრძელდა წინა დაზვერვების დროს გამოვლენილ ქვაწყაროს მიმდებარედ განთავსებულ კომპლექსტაგან ერთ-ერთზე. (GPS კოორდინატები - 4230336, 4243128). გათხრების შედეგად გამოვლინდა კირის გამოსაწვავი ორმო, რომელიც მოპოვებული მასალის მიხედვით დათარიღდა ადრე შუასაუკუნეებით.

გათხრები გაგრძელდა 2018 წელსაც ხვამლის წმინდა გიორგის ეკლესიის მიმდებარედ, გარე კარიბჭის მიმართულებით (GPS კოორდინატები - 4230512, 4242945; 4230512, 4242947). ასევე ადგილ "თიხებში" ტბის მიმდებარედ აღმოჩენილ

არქეოლოგიურ ობიექტზე (GPS კოორდინატები 4230512, 4242945

2019 წელს მოსამზადებელი სამუშაოების შემდეგ, გაგრძელდა არქეოლოგიური გათხრები -ხვამლის მთაზე, ორ უბანზე : N1- წმ. გიორგის ეკლესიის სამხრეთით, გარე კარიბჭის მიმართულებით (GPS კოორდინატები -08312945, 4710912) და N2-წმ გიორგის ეკლესიის წრიულ ბაქანზე და მის მიმდებარედ (G.P.S. კოორდინატები-0312849, 4709067), საველე სამუშაოები მიმდინარეობდა 07.06.2019-27.09.2019 რიცხვებში.

ექსპედიამ გათხრები დაიწყო ხვამლის წმ. გიორგის ეკლესიის სამხრეთით 35 მეტრის მოშორებით გარე კარიბჭის მიმართულებით. კულტურული ფენა მიწის თანამედროვე ზედაპირიდან 0.5 მ- ის სიღრმეზე დაფიქსირდა. სადაც აღმოჩნდა სხვადასხვა ქვევრის, დერგის, ქოცოს, ჯამის, ქოთნის, მოჭიქული და სხვა კერამიკული ჭურჭლის ფრაგმენტები. ნაგებობა, რომელიც სავარაუდოდ მარანია (ამ დროისათვის გათხრილია 7 ქვევრი)

თარიღდება XI-XII საუკუნეებით. მიწის სამუშაოების დროს გამოჩნდა რამდენიმე ადრე შუასაუკუნეების თიხის ჭურჭლის უსახო ფრაგმენტი, რაც გვაძლევს იმის ვარაუდს, რომ მოსალოდნელია უფრო ადრეული ფენები. სააგენტოს ხელმძღვანელობასთან შეთანხმებით ქვედა ფენებში აღარ ჩავრღმავებულვართ და ასეთი სახით დაკონსერვდა.

2019 წელს არქეოლოგიური გათხრების საპროექტო დავალებით დაიწყო ეკლესიის ბაქნის არქეოლოგიური შესწავლა. მიმდინარე საველე სეზონში არაერთწლიანი ძიების შედეგად მიკვლეული იქნა ორი წარწერიანი ქვა, რომელიც მეოცე საუკუნის დასაწყისში აგებული ეკლესიის სამირე ქვებად იყო გამოყენებული. ორივე ქვაზე და მათზე დატანილი ძირითადი ტექსტები მოქცეულია ეკლესიის კუთხის ქვების ქვეშ (სპეციალისტთა შეფასებით წარწერები X-XI საუკუნეებისაა)

2020 წელს არქეოლოგიის ზედამხედველობით დასრულდა კარიბჭის გაწმენდა, ასევე გაიწმინდა მთავარი გალავანის ნაწილი (45 მ), წმ. გიორგის სახელობის ეკლესიასთან მდებარე ორი სათავსო და მარანი.

2021 წელს სამუშაოები ჩატარდება შემდეგ ობიექტებზე:

- I. ხვამლის წმინდა გიორგის ეკლესიის ტერიტორიაზე, გალავნის გარშემო ჰუმუსის მოხსნა, ფართობით 30მX8მX0.3მ და მიწის გატანა 30-40 მ მანძილზე ხელითა და ურიკით
- II. ხვამლის წმინდა გიორგის ეკლესიის ტერიტორიაზე, გალავნის გარშემო არქეოლოგიური კვლევა, ფართობით 30მX8მ და მიწის გატანა 30-40 მ მანძილზე ხელითა და ურიკით
- III. ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის გარშემო ჰუმუსის მოხსნა, ფართობით 20მX8მX0.3მ და მიწის გატანა 30-40 მ მანძილზე ხელითა და ურიკით
- IV. ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის გარშემო არქეოლოგიური კვლევა, ფართობით 20X8 კვმ და მიწის გატანა 30-40 მ მანძილზე ხელითა და ურიკით

- V. ხვამლის წმინდა გიორგის ეკლესიის ბაქანთან N2 ნაგებობის ნაშთების არქეოლოგიური კვლევა ფართობით 6მX5მ და მიწის გატანა 30-40 მ მანძილზე ხელითა და ურიკით
- VI. პროექტით განსაზღვრული კვლევითი სამუშაოები. მათ შორის:

1. შესწავლილი ტერიტორიის, მასზე გამოვლენილი ობიექტების ფიქსაცია და მოპოვებული მასალის პირველადი დამუშავება, მათ შორის ფოტო და ვიზუალური აღწერის მასალები
2. შესწავლილი ტერიტორიის (ობიექტის) ისტორიულ_ბიბლიოგრაფიული და საარქივო კვლევის მასალები შესაბამისი წყაროების მითითებით, მასზე მოპოვებული პირველადი ინფორმაციის საარქივო მონაცემებთან მიმართების ანალიზი
3. შედგება ტერიტორიის ადგილმდებარეობის სიტუაციური გეგმა (მასშტაბი 1:2000 და 1:500), GPS კოორდინატებით;
4. შედგება ტერიტორიის კვადრატებად დაყოფის სქემა, გამოვლენილი ობიექტების განლაგების სქემა და ანაზომი,
5. გამოიხაზება ნახაზები (მასშტაბი 1:10 ან 1:20 ან 1:25 ან 1:50 ან 1:100) ძირითადი პარამეტრების ზომების დატანით
6. შედგება შესწავლილი ტერიტორიის კვადრატებად დაყოფის სქემა
7. გაკეთდება ტექსტური აღწერილობა.

o საველე სამუშაოებში მონაწილეობას მიიღებს 5 სპეციალისტი და 12 მუშა. ექსპედიცია უზრუნველყოფს სამუშაოებში სტუდენტების ჩართულობას. სამუშაოების მიმდინარეობისას შესრულდება საჭირო ყველა პროცედურა . დაცული იქნება ტექნიკურ დავალებებში მოცემული სამუშაოების ჩატარების ყველა პირობა მეთოდოლოგია და ვადები.

მოპოვებული მასალა შესაბამისი დამუშავების შემდეგ გადაეცემა ცაგერის ისტორიულ მუზეუმს. მომზადდება სამეცნიერო და პოპულარული სტატიები პუბლიკაციებისათვის.

პროექტს თან ერთვის ილუსტრაციები:

1. ხვამლის წმ. გიორგის ეკლესია



2. გაწმენდილი გალავანი და კარიბჭე



3. საპროექტო უბნები



4. კარიბჭიდან შემავალი ძველი გზის და ეზოს გამყოფი კედელი



5. გალავანი



სამუშაოთა ჩატარების გეგმა-გრაფიკი კვირების მიხედვით

- I. ხვამლის წმინდა გიორგის ეკლესიის ტერიტორიაზე, გალავნის გარშემო ჰუმუსის მოხსნა, ფართობით 30მX8მX0.3მ და მიწის გატანა 30-40 მ მანძილზე ხელითა და ურიკით
- II. ხვამლის წმინდა გიორგის ეკლესიის ტერიტორიაზე, გალავნის გარშემო არქეოლოგიური კვლევა, ფართობით 30მX8მ და მიწის გატანა 30-40 მ მანძილზე ხელითა და ურიკით
- III. ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის გარშემო ჰუმუსის მოხსნა, ფართობით 20მX8მX0.3მ და მიწის გატანა 30-40 მ მანძილზე ხელითა და ურიკით
- IV. ხვამლის წმინდა გიორგის ეკლესიის კარიბჭიდან ეკლესიისკენ მიმავალი ძველი გზის და ეზოს გამყოფი კედლის გარშემო არქეოლოგიური კვლევა, ფართობით 20X8 კვმ და მიწის გატანა 30-40 მ მანძილზე ხელითა და ურიკით
- V. ხვამლის წმინდა გიორგის ეკლესიის ბაქანთან N2 ნაგებობის ნაშთების არქეოლოგიური კვლევა ფართობით 6მX5მ და მიწის გატანა 30-40 მ მანძილზე ხელითა და ურიკით
- VI. შესწავლილი ტერიტორიის, მასზე გამოვლენილი ობიექტების ფიქსაცია და მოპოვებული მასალის პირველადი დამუშავება, მათ შორის ფოტო და ვიზუალური აღწერის მასალები
- VII. შესწავლილი ტერიტორიის ადგილმდებარეობის სიტუაციური გეგმა (მასშტაბი 1:2000 ან 1:500), GPS კოორდინატებით
- VIII. . არქეოლოგიური კვლევისას გამოვლენილი ობიექტების განლაგების სქემა და ანაზომი
- IX. შესწავლილი ტერიტორიის კვადრატებად დაყოფის სქემა.
- X. შესწავლილი ტერიტორიის (ობიექტის) ისტორიულ_ბიბლიოგრაფიული და საარქივო კვლევის მასალები შესაბამისი წყაროების მითითებით, მასზე მოპოვებული პირველადი ინფორმაციის საარქივო მონაცემებთან მიმართების ანალიზი.
- XI. გამოხაზული ნახაზები (მასშტაბი 1:10 ან 1:20 ან 1:25 ან 1:50 ან 1:100). ძირითადი პარამეტრების ზომების დატანით
- XII. ტექსტური აღწერილობა.

N	I კვირა	II კვირა	III კვირა	IV კვირა	V კვირა	VI კვირა	VII კვირა	VIII კვირა
I								
II								
III								
IV								
V								
VI								

VII								
VIII								
IX								
X								
XI								
XII								



დ.სულხანიშვილი